

I. Translate (14.2% each; 16 min. each). Name: _____

32. HERCULES--NINTH LABOR: THE GIRDLE OF HIPPOLYTE (16 min)

Gēns Amāzonum dicitur omnīnō ex mulieribus cōstitisse. Hae summam

scientiam rei mīlitāris habēbant, et tantam virtūtem adhibēbant ut cum

virīs proelium committere audērent. Hippolytē, Amāzonum rēgīna, balteum

habuit celeberrimum quem Mārs eī dederat. Admēta autem, Eurystheī filia,

fāmam dē hōc balteō accēperat et eum possidēre vehementer cupiēbat. 5

Eurystheus igitur Herculi mandāvit ut cōpiās cōgeret et bellum Amāzonibus

inferret. Ille nūntiōs in omnīs partīs dimisit, et cum māgna multītūdō

convēnisset, eōs dēlēgit quī māximum ūsum in rē mīlitārī habēbant.

36. HERCULES--LAOMEDON AND THE SEA-MONSTER (16 min.)

Lāomedōn quīdam illō tempore rēgnum Trōiae obtinēbat. Ad hunc Neptūnus et

Apollō annō superiōre vēnerant, et cum Trōia nōndum moenia habēret, ad

hoc opus auxilium obtulerant. Postquam tamen hōrum auxiliō moenia

cōnfecta sunt, nōlēbat Lāomedōn praemium quod prōposuerat persolvere.

Neptūnus igitur et Apollō ob hanc causam irātī mōnstrum quoddam misērunt 5

speciē horribili, quod cottidiē ē mari veniēbat et homines pecudēsque

vorābat. Trōiānī autem timōre perterritī in urbe continēbantur, et pecora

omnia ex agrīs intrā mūrōs compulerant. Lāomedōn hīs rēbus commōtus

ōrāculum cōsuluit, ac deus eī praecēpit ut filiam Hēsionem mōnstrō

obiceret. 10

39. HERCULES--THE GOLDEN SHIP (16 min.)

Dum hīc morātur, Herculēs māgnūm incommodū ex calōre sōlis accipiēbat;

tandem igitur irā commōtus arcū suū intendit et sōlem sagittis petiit.

Sōl tamen audāciam viri tantū admirātus est ut lintrem auream eī

dederit. Herculēs hoc dōnū libentissimē accēpit, nūllam enim nāvem in

hīs regiōnibus invenire potuerat. Tum lintrem dēdūxit, et ventum nactus

5

idōneū post breve tempus ad insulam pervēnit. Ubi ex incolis cōgnōvit

quō in locō bovēs essent, in eam partem statim profectus est et ā rēge

Gēryone postulāvit ut bovēs sibi trāderentur. Cum tamen ille hoc facere

nōllet, Herculēs et rēgem ipsum et Eurytiōnem, quī erat ingentī

māgnitūdine corporis, interfēcit.

10

56. HERCULES--THE DEATH OF HERCULES (16 min.)

Herculēs nihil malī suspicāns vestem quam Lichās attulerat statim induit;

paulō post tamen dolōrem per omnia membra sēnsit, et quae causa esset

ēius rei māgnopere mirābātur. Dolōre paene exanimātus vestem dētrahere

cōnātus est; illa tamen in corpore haesit, neque ūllō modō abscindī

potuit. Tum dēmum Herculēs quasi furōre impulsus in montem Octam sē

5

contulit, et in rogam, quem summā celeritāte exstrūxit, sē imposuit. Hoc

cum fēcisset, eōs quī circumstābant ōrāvit ut rogam quam celerrimē

succenderent. Omnēs diū recūsābant; tandem tamen pāstor quīdam ad

misericiādam inductus īgnem subdidit. Tum, dum omnia fūmō obscūrantur,

Herculēs dēnsā nūbe vėlātus ā Iove in Olympum abreptus est.

10

57. JASON--THE WICKED UNCLE (16 min.)

Erant ōlim in Thessaliā duo frātrēs, quōrum alter Aesōn, Peliās alter

appellābātur. Aesōn primō rēgnum obtinuerat; at post paucōs annōs Peliās

rēgnī cupiditāte adductus nōn modo frātrem suum expulit, sed etiam in

animō habēbat Iāsonem, Aesonis filium, interficere. Quīdam tamen ex

amicīs Aesonis, ubi sententiam Peliae cōgnōvērunt, puerum ē tantō

5

periculō ēripere cōstituērunt. Noctū igitur Iāsonem ex urbe abstulērunt,

et cum posterō diē ad rēgem rediissent, ei renūntiāvērunt puerum mortuum

esse. Peliās cum hoc audivisset, etsī rē vērā māgnū gaudium percipiēbat,

speciem tamen dolōris praebuit et quae causa esset mortis quaesivit. Illi

autem cum bene intellegerent dolōrem ēius falsum esse, nesciō quam

10

fābulam dē morte puerī finxērunt.

58. JASON-- A FATEFUL ACCIDENT (16 min.)

Post breve tempus Peliās, veritus nē rēgnum suum tantā vī et fraude

occupātum āmitteret, amīcum quendam Delphōs mīsit, quī ōrāculum

cōnsuleret. Ille igitur quam celerrimē Delphōs sē contulit et quam ob

causam vēnisset dēmōnstrāvit. Respondit ōrāculum nūllum esse in

praesentiā perīculum; monuit tamen Peliam ut sī quis ūnum calceum gerēns

5

veniret, eum cavēret. Post paucīs annīs accidit ut Peliās māgnum

sacrificium factūrus esset; nūntiōs in omnīs partīs dimiserat et certam

diem conveniendī dixerat. Diē cōstitutā māgnus hominum numerus undique

ex agrīs convēnit; in hīs autem vēnit etiam Iāsōn, quī ā pueritiā apud

centaurum quendam habitāverat. Dum tamen iter facit, ūnum ē calceīs in

10

trānseundō nesciō quō flūmine āmisit.

59. JASON--THE GOLDEN FLEECE (16 min.)

Iāsōn igitur cum calceum āmissum nūllō modō recipere posset, ūnō pede

nūdō in rēgiam pervēnit. Quem cum Peliās vīdisset, subitō timōre adfectus

est; intellēxit enim hunc esse hominem quem ōrāculum dēmōnstrāvisset. Hoc

igitur cōnsilium iniit. Rēx erat quīdam Aeētēs, quī rēgnum Colchidis illō

tempore obtinēbat. Huic commissum erat vellus illud aureum quod Phrixus

5

ōlim ibi reliquerat. Cōstituit igitur Peliās Iāsonī negōtium dare ut hōc

vellere potirētur; cum enim rēs esset māgnī periculī, eum in itinere

peritūrum esse spērābat. Iāsonem igitur ad sē arcessivit, et eum

cohortātus quid fieri vellet docuit. Ille etsī intellegēbat rem esse

difficillimam, negōtium libenter suscepit.

10